

26. april 2017

Uunga siunnersuut: Aningaasarsianit akileraarutit pillugit Inatsisartut inatsisaata nr. 12, 2. november 2006-imeersup allangortinneqarneranik Inatsisartut inatsisaat nr. xx, xx.xxx 2017-imeersoq.

(Aktiaatillit taarsigassarsiaasa akileraaruserneqartalernissaat, atornerluisoqarsinnaanera akiorniarlugu maleruagassaq, sulisorisanik atukkiussinermi akileraarutininik unerartitsi-sussaatitaaneq il.il.)

(Aningaasaqarnermut Akileraartarnermullu Naalakkersuisoq)

Siumumiit imatut oqaaseqarfigissavarput,

Akileraarutit pillugit inatsisartut inatsissaata allangortinneqarnera, suliffeqarfiit akileraaruserneqartarnerannut aaqqissuuseqqinnissamut pilersaarummut ataqatigiisillugu isigaarput,

Inatsisissatut siunnersuutikkut qulakkeerniarneqartoq nunattinni anigaasarsiorsimagaanni nunat-sinnut akklernaarnissamik qulakkeeriniarnertut aamma isigineqassasoq saqqummiussisumminni naalakkersuisut saqqummiuppaat ilaatigut suliffeqarfiit nunanit allaneersut akileraarutininik A-nik akiliigitsoornsinnaanerup aarleqqutigisariaqarneranik tungavilersorpaat, Siumumiillu anigaasat akileraarutaasussat nunattinnut tamakkiisumik akileraarutarnissaata qulakkeeriniarnertut isigalungu naalakeruisut inatsisissatut saqqummiussaqaarnerat, ilalerparput

Suliffeqarfiimmi nunattinniit akileraarutininik ilangaasisussangortinnerisigut taamatut pisoqartillugu ilangaasinissamut akileraarutininik A-nik akiliinissamut periarfissat pitsangorsarneqarnerattut isigisariaqarmat, nunattinniitunummi suliffeqarfinnut unammissappata atugassarititaasutigut qasuganerumsumik periarfissillugit naapertuilluartumik unammillernerugitsoq naalakkersuisut saqqummiussaminni oqaatigisaatut isigaarput.

Taamaammallu inatsisissatut siunnersuut aamma nunattinni namminersorlutik inuusutissarsiortunut nunatinnilu sulisartunut pitsaasumik sunniuteqassasoq naatsorsuutigisariaqarpoq

Inatsisissatut siunnersuutip siunertai arlaliusutut oqaatigisariaqarput, kalaalit nunaannut akileraarutininik A-nik akiliisarnarup pisarnissaa qulakkeerneqassaaq, suliffeqarfiit nunanit allaneersut kalaallit nunaannut akileraarutininik A-nik akiliiginnissamut atornerluisoqarsinnaat pinaveersimatinneqassaaq aammalu akikitsumik akissarsiaqartitsilluni sulisitsinermit pinaveersimatitsissalluni,

Akileraartarnerup aaqqisuuteqqinniarnarani pigaaruteqarpoq, nunattinni suliffeqarfiit sutigut tamatigut avataaneersunik naapertuilluartumik unammillerneqassagunik nunattinni suliffeqarfittulli akileraarutitigut sukagasumik atugassaqaartitaanissaat aamma nunattinni anigaasat pissarsiat nunattinniinissaanut periuttit akileraartarnerikkut aaqqissuusinerit aqutugalungit iluarsartuuneqarnissaat,

Taamaatumillu nunatta soqutigisai salliutillugit aaqqissuuseqqinniarnarit qulakkeerinniffiunissaat salliutinneqasappat tamanna tapersiinnarsinnaavarput.

Taamatut Siumumiit oqaaseqarluta,inatsissatut inatsisaata allangortinneqarnera pillugu inatsisartut inatsississaat,aappassaaneerneqartinnani anigaasaqarnermut akileraartarnermullu ataatsimiititalia-
mut innersuupparput

Jess Svane
Siumut